

Brexit e nacionalismo

Descrición

As elites e os políticos ao servizo desas elites queren asentar a idea de que as nacións deben deixar de existir porque son un atraso, e por iso non lles pasa dos dentes o trunfo do Brexit. Tudo o establecemento, nacional e internacional, protesta contra unha decisión que queren presentar como tomada por brutos e ignorantes, xente baixa e sen cultura que se deixou levar por sentimentos e emocións primitivos e non foi racional nen fixo caso do expertos e dos que teñen categoría e están a fronte das grandes institucións.

As elites e os políticos ao servizo desas elites queren asentar a idea de que as nacións deben deixar de existir porque son un atraso, e por iso non lles pasa dos dentes o trunfo do Brexit. Tudo o establecemento, nacional e internacional, protesta contra unha decisión que queren presentar como tomada por brutos e ignorantes, xente baixa e sen cultura que se deixou levar por sentimentos e emocións primitivos e non foi racional nen fixo caso do expertos e dos que teñen categoría e están a fronte das grandes institucións.

Iso foi o que se dixo sempre das mulleres, que se deixaban levar polo sentimento e non podían pensar nen razoar, e portanto había que tirarlles os dereitos e tratalas como menores de idade. E foi o que se dixo dos escravos e das clases e razas "inferiores". A reacción ao Brexit é tan altanera e despreciativa que o mais sorprendente é que non sintan vergoña de se manifestaren dese xeito e nen tenten disimular a raiva. No neoliberalismo, a "democracia" está moi ben sempre que a dirixan e manexen as elites, porque "o povo" non ten luces para saber o que lle convén. Mas o trunfo do Brexit foi o trunfo da democracia e do "povo" fronte a todo o peso da sociedade establecida, incluída esa chamada esquerda que é a grande colaboradora do sistema neoliberal e a mais frustrada agora por un Brexit que lle fai mais difícil seguir disfarzando de internacionalismo o que é supranacionalismo e dictadura das elites.

Enténdese que as elites nacionais e internacionais construíran e difundiran a utopía da Unión Europea, ese conxunto de países que renunciaron a seren nacións para se transformaren nunha masa informe, nun paraíso sen políticos e sen política manexado por burocratas. O que está mais difícil de entender é como cuase toda a esquerda se apuntou primeiro con fervor relixioso a esa utopía e agora non atura que un integrante dese conglomerado decidise marchar e recuperar a soberanía e a independencia. Porque o voto do Brexit non foi por racismo, nen polo vello imperialismo, nen por xenofobia, nen foi un voto dos vellos para volver ao pasado, como dixeron. Foi un voto para recuperar a soberanía e a nación, e un exemplo do que é a verdadeira democracia.

APARTADOSTEMATICOXEOGRAFICOS

Europa

ETIQUETAS

UE Europa Nacionalismos Brexit

IDIOMA

Galego

Fecha de creación

septiembre 7, 2016

Campos meta

Autoria : 3769

Data publicación : 2016-09-07 00:00:00

Subtítulo : Teresa Barro achega a súa visión